





## 文林郎杨衍绪墓志铭

诰封修职郎晋封文林郎杨老封翁暨德配杨太孺人墓志铭

公讳衍绪，字引之，号纬堂，祖籍金陵。前明洪武，先世从沐藩官大理，世以武职显。厥後公之支祖讳琦者，由大理迁南安，遂家焉。代有伟人，五传至公。曾祖讳椿，由明经任武定州学博；祖讳丕德，乾隆辛酉举人，任江西龙南县知县；考讳存叟，邑庠生，生子二，公其次也。生而岐嶷，性素孝友，聪慧过人。初入家塾，能通语、孟大义。甫弱冠，即游泮，应乡试一次，未第。家务纷纭，遂绝意进取，专力治家。时公太翁已抱沉痾，伯父犹在堂，公事之不啻所生，待诸昆弟无间言。分爨后，食指浩繁，租赋入不敷出。公性素甘澹泊，勤俭，自励，一切摒担有方，日用遂以无匱，公处世温厚和平，无急言遽色，或以非礼相加，置弗与较。闾里间偶有忿争，公片言解释，遂各愧服去，里人咸重之。其教诸子尤有义方，淳淳训诫，以冀其有成。尝曰：吾家累世书香，弗克承继，即非好子孙矣。其他言行之可为法者，类如是。公生於乾隆癸卯年，卒於咸丰丁巳年，享年七十有五。德配太孺人先公一年歿。公生子五，长名涵，廩膳生；次名渤，道光乙未恩科第三名举人，大挑式等，选授云龙州训导，截取知县，借选福建库大使；三名湘，庠生；四名准；五名灏，庠生；生女三，俱适名门。孙曾辈亭亭玉立，皆璠玕器。因仲君官庠，晋封文林郎，德配杨太孺人，晋□□□□□□□□□□问叙於余，谨掇数

语以志景仰之意云尔。□□□□待人柔惠且直，咸称为淑女，甫及笄，归纬堂封翁，每事必敬必戒。一门之内和蔼成风。所尤难者，善事继祖姑马太孺人，侍奉甘旨，先意承志，甚得欢心。彼时孺人之姑刘太孺人，已先辞世，每以不及奉事为憾。太封翁惺斋公尚在堂，久婴痼疾，孺人尽心孝养，克修妇职，药必亲尝，历久不懈。封翁有事外出，一切家务料理，井井有条。凡农圃、桑麻、井臼诸务，亲率童仆为之，偶有过误，惟以好言劝勉，不轻加怒骂。自奉俭约，衣浣濯，不喜华饰，食甘疏淡，宾祭备极精洁，人皆谓封翁得内助之力多焉。至其课子尤严，不稍姑息。自家塾归，必询究其学业若何，有进益，则欣然色喜；苟废学，则弗然不悦。诸子既承庭训，复奉慈教，故皆努力奋勉，德成名立。其他懿行，难以仆数，即此一二端，已足表孺人之贤矣。孺人生于乾隆庚戌年，卒於道光丙辰年，享年六十有七，与封翁合葬於州城外苍山之麓。谨掇其壶范徽音，与封翁嘉言懿行，志於碑碣，以垂不朽云。铭曰：

南州冠冕 贵族居先 笃生英俊 择配淑媛  
风追梁孟 兰桂蝉联 书香克绍 子孝孙贤  
封崇马鬣 穴卜牛眠 铭勒片石 於斯万年

钦命兵部尚书四川总督乙未恩科举人年愚侄皖城吴棠顿首  
拜撰

钦命兵部侍郎湖南巡抚辛丑科庶吉士年愚侄景东刘琨顶礼  
书丹

墓碑立楚雄市云龙镇东健林苍山杨氏祖莹。墓志铭碑为左右副碑，各高78厘米，宽47厘米。直行楷书。由兵部尚书四川总督举人吴棠撰文，兵部侍郎湖南巡抚刘琨书丹。清光绪七年（1881年）立。

杨氏先祖从沐英征滇，官大理，世以武职显。至杨琦，由大理迁至南安，五传至杨椿，以贡生任武定州学博（学官）。再传杨丕德，乾隆辛酉科举人，任江西龙南县知县。衍绪公生于乾隆癸卯（1783年），乡试未第，但饱儒学，因管库，晋封为文林郎。次子杨渤道光乙未科举人。

文林郎，为散官，明清时，七品封阶为文林郎。

庶吉士，以进士文学兼优者授翰林院庶吉士。